



**Broj: 01-70 /19**  
**Vareš, 27.03. 2019. godine**

Na osnovu člana 11., 12 i 14. Zakona o mladima Federacije Bosne i Hercegovine („Službene novine FBiH“ broj: 36/10), člana 13. Zakona o principima lokalne samouprave u Federaciji Bosne i Hercegovine („Službene novine FBiH,“ broj: 49/06) i člana 22. Statuta Općine Vareš – Prečišćeni tekst, broj: 01-162/12 od 11.09.2012. godine Općinsko vijeće Vareš, na 25. sjednici održanoj 27.03. 2019. godine, d o n o s i

**O D L U K U**  
**o usvajanju Strategije omladinske politike na području općine Vareš za period 2019–2024. godine**

**Član 1.**

Usvaja se Strategija omladinske politike na području općine Vareš za period 2019–2024. godine, koja čini sastavni dio ove Odluke.

**Član 2.**

Za provođenje ove Odluke zadužuje se Općinski načelnik i Služba za opću upravu, društvene djelatnosti i boračko – invalidsku zaštitu.

Općinski načelnik će jedanput godišnje u prvom kvartalu, podnositi Izvještaj Općinskom vijeću o provođenju Strategije.

**Član 3.**

Odluka stupa na snagu osmog dana od dana objavljivanja na oglasnoj tabli Općine Vareš.

**PREDSJEDAVAJUĆI**  
**OPĆINSKOG VIJEĆA**

**Adis Čizmo**

Odluka objavljena na oglasnoj tabli općine Vareš, dana 28.03.2019. godine.

**OPĆINSKI NAČELNIK**

**Zdravko Marošević**

# **O b r a z l o ž e n j e**

## **1. Pravni osnov**

Pravni osnov za donošenje Strategije omladinske politike na području općine Vareš za period 2019-2024. godine sadržan je u članu 11., 12 i 14, Zakona o mladima Federacije Bosne i Hercegovine („Službene novine FBiH“ broj: 36/10), članu 13. Zakona o principima lokalne samouprave u Federaciji Bosne i Hercegovine („Službene novine FBiH,“ broj: 49/06), i u članu 22. Statuta Općine Vareš – Prečišćeni tekst, broj: 01-162/12 od 11. 09. 2012. godine

## **2. Razlog za donošenje**

Ovakav dokument je utvrđen u Programa rada Općinskog vijeća Vareš za 2019. godinu, broj: 01-268/18 od 27. 12. 2012., kao i u Programu rada Općinskog načelnika.

Općinsko vijeće Vareš dalo je punu podršku realizaciji ovog projekta formiranjem Komisije za mlade, koja će kroz inicijative koje će promovisati ulogu mladih osoba kao aktivnih subjekata putem dijaloga sa institucijama na lokalnom nivou, te time doći lakše do ostvarivanja ključnog cilja, a to je poboljšanje položaja mladih na lokalnom nivou. Neophodno je da Komisija za mlade zajedno sa službom za opću upravu, društvene djelatnosti i boračko – invalidsku zaštitu vrši monitoring te donosi na vrijeme prijedloge i zaključke, i iste upućuje organima vlasti Općine Vareš u daljnji postupak.

## **3. Finansijska sredstva**

Za realizaciju ove Strategije potrebno je planirati finansijska sredstva u budžetu Općine Vareš za svaku budžetsku godinu.

**PREDLAGAČ:  
OPĆINSKI NAČELNIK**

**Zdravko Marošević**